

經部

欽定四庫

經部

易經蒙引卷七上

詳校官大理寺即 富炎泰

通政使司副使臣莫縣菜覆勘

總校官庶古士臣倉聖脉 校對官中書臣吳甸華 腾銀監生臣朱

絯

フラシ ハトラ 8 では、これには、これのでは、 CHARLES OF THE PARTY OF THE PAR CONTRACTOR CONTRACTOR 易經察引 Trans. では、大学 其地水不出也此與 地穴其地也穴地 明 終清 撰

弘元 地涌泉不同岩平地涌泉不可謂之非井便有髮治 所發成者若以穴地為穴其地則與下面出水之 掘井井非天造地設者○若謂只是見成出水之穴 級子而又或至贏其瓶 地為井而非所稅成者則其深不能咫尺安用許 之功非就以出水之地為井也故曰鑿井曰穿井 虚心易氣讀之穴地出水之處只是見成的非 邓次泉安至此深耶 水兵之處二字亦無用了 部

四母全書

鑿井而飲若非出水之地鑿亦何所得那○又蘇子 **養成者而以為見成穴地出水之處何也曰為高必** 古有鑿井孟子又掘井朱子胡不用鑿地掘地而獨 因丘陵為下必因川澤為井亦必因夫泉脉故井雖 用穴地邪朱子又非好奇字者〇或曰凡并皆人 曰出水正所謂上出其水者也之處二字當用又說 為所養成岩非穴地出水人為亦安所施邪其曰 云鑿地得泉而口水專在是宣理也哉如耿恭以 易經蒙引

制古詩云鑿井而飲耕田而食帝力何有於我哉盖 矣泉脉之論亦有之大抵南方居多今北方有人 是堯時事且其言亦後人所撰故古者五祀之祭只 無川澤處便須鑿井初不曾相地脉然隨鑿皆有但 五犯之禮章 按上為說雖有由折然畢竟出水之陳北溪字美論按上為說雖有由折然畢竟出水之 始鑿井不得泉者以為石所隔也石一盡則泉日涌 不如南方之淺而易得耳或曰伏義時未有鑿井之 門户電行中容為未有井也至漢始以井易行站 美七二 烟

アトアンリニュ 李氏曰自古國邑之建必先視其泉之所在是以 前說為長〇又世本云黃帝守升伯益作井〇 土
ツ 泉之便而後居之也今按井泉之係於人 劉創京于幽之初相其陰陽觀其流泉盖先上其非 穴地非深不過咫尺馬 用級為何又至<u>藏其</u>就 水殊赤乃試掘井得丹砂數千斛神仙傳蘇耽種橘 /用在生人為至要抱朴子臨沅縣民多壽考井 以救時疫病者食橘葉飲泉水即愈號橘 ~.... THE STATE OF 易經蒙引 八甚大盖水

多元 如井 無復有向來 水其在冬而温者獨井泉而 異者言雖不必盡然然并泉差 八非是 人其真者也仕者為通分東 陽之溫矣○愚謂世之幽人 Ł (細故不可不知○李氏)1] 不息之水 風雨霜露之 Ú /木是树 ヒ盖得 ρſ 逝 曰

てこうられかり **泉若謂水上有水與巽乎水而上水不同則木是** 義於木上有水何預日木上有水便如井中之水水 本在井底却能汲上來以給人之食故取象如此盖 瓶瓶自是瓦又口草木之生津潤皆上行直至木末 如菖蒲雖蔵之密室亦然非露水也問如此則并必 水津潤上行井之象也義正如此同是下巽了 井水亦本在下而出之于上者也○大泉云木上有 非井桶之木也朱子曰說者以為是汲器則前面有 易經常引 凹

多员 汲桶岩論并水之上行則或以瓶出或以桶出皆 那文王係表作瓶盖其時猶用瓶也不可以巽木為 古者盖以飛汲然飛或有時而贏故後世易之以桶 但木字不必煎汲器説耳鼎卦大泉傳下平庵項氏 矣非得其意者也〇愚意以異木入乎坎水之下而 泉之耳盖以木巽水為井以木巽火為鼎皆以其用 曰鼎之木工有火猶井之木工有水非井鼎本形特 上出其水盖木水上行井水亦上行不論及汲器也 匹库全書 お七上 U

久已可見上書 图 澤中有火鼎表傳以木巽火象傳木工有火皆文不 澤動而下象傳言工火下澤草录傳水火相息象傳 傳言木上有水安得為同義曰縣永傳言火動而上 同而取象之義同則又何疑於此〇或曰然則本義 也而於異乎水而上水之下不先解何熟曰異乎 何為於大泉下乃解云木上有水津潤上行井之泉 之象而得其體也○或曰彖傳言異乎水而上水於 一水則于井之象為已明木上有水則於井 易經蒙引

多员匹四百言 為稍晦故本義助之詞曰木上有水津潤上行既是 **異乎水而上水節而為木上有水猶睽卦表傳火動** 何如且木之異乎水而上出其水之狀又云何曰此 花成子都是這箇泉脉其每朝禁有垂珠者水氣來 有至理惟朱子知之盖地中有水木之生枝生葉成 而上澤動而下節而為上火 上行非井之泉而何○大泉上句例俱四字故录傳 行與異木入乎坎水之下而上出其水之同處果 下澤口或問水之津潤

人二刀戶公馬 穿水中漲上那水之說則是如今北地開井者俱用 根不著土膏不接泉脉能有津潤上行乎故凡花木 陽氣而升自三更子後則陽升而木之水氣與俱以 出土便須以水養之巽乎水而上水或説依小註木 之溫氣盖皆無陽之升而然夫先天之運一日自有 土雖乾燥然每視之土亦微潤非但露溼亦有白什 其根著地中一脉之水為他接引工去耳不但木也 日之元亨利負自天地以至萬物無不然也使本 易經蒙引

金元 **嘗謂水火二字盡造化之功用○又曰津潤** 然據木穿水中之言益可以證愚之前說矣信乎地 中漲上那水者只是黑乎水而上水之義木是樹木 木非木板之木也津潤上行豈不是凝起那水 有水木之葉木每有垂珠者皆是水氣無陽氣 而其抽枝抽葉成花成子無非得此 那水而何曰此恐差認了朱子小註所謂木穿水 砌成南州鄉村間亦尚有此豈非太穿水井中張 四人人名言 c ŀ 一泉脉也 而 邪

瓶山 改邑不改并无丧无得往來并并汽至亦未編井贏其 早妥 アンリラン ハトラ 秋枝葉乾枯津潤歸流於下也今即事驗之春寧用 ·秋寧用晚又其華實並業乃各隨其成熟時月之 於卦體卦德卦象卦變 月者謂春津潤始的未衝枝葉勢力浮濃故也至 - 行義卷之二序例第二條凡來薬物多以二 易經蒙引 一無所取止據井之理言

蜀炭四库全書 而人之往來者無不井之也皆說歸井上〇程傳曰 政邑不改并无丧无得往來并并三句只是井之 指經常之不易者也○无喪无得言在井初無得喪 艮之一字也○三句只是一意言并之為并如此是 字猶良其背不獲其身行其庭不見其人四句總是 喪不失其傷也无得亦非有增于其舊也〇此卦表 往來并并以是无喪无得總是并不可改則如此无 无丧无得其德也常往來井井其用也周此說未是 老七上

ノーンコース ハイン 截言不能敬以守之則不能保其舊也解若兩截意 辭以辭觀之上一截言井之為井也下一截言人之 **便以井索也未盡其便以便未盡也故口次謂輾転** 亦似是而非汽至汲井幾至也一謂至水一謂至井 井其井也以意會之上一截言其事之仍舊也下 从編者也○或說按本義謂汲井幾至未盡綆而敗 上至井上之說為長亦未編井言未盡其經於井也 一貫〇補註曰并无得喪惟汲并者有得喪此言 易經蒙引

釖 是出於此○朱子小註汽至作一句亦未編升贏其 誤無疑心其占為事仍舊无得喪而又當敬勉不可 至與亦未編井辭正相應意亦相連小註出録者之 瓶是一句按此說與**承傳不同看來表傳為長盖**汽 其孤此實可悔尤見得幾成而敗之意恐文王之說 其瓶則似謂幾至水也愚謂幾至水而瓶敗者固有 定 **幾成而敗也盖至於敗則不能保其舊矣是一貫意** /然此尤未足深悔若已汲得水将出乎井而始敗 四库全世 The state of the s

くこりらいら 一種 既貫都就人事說不容於群而截作两項也若截作 盖作易者先有此意然後取此象以見其意今其意 箇井下說人之井其井也須要說得事仍舊无得些 卦辭就井上說出意思其詞乃若兩截 〇保舊守成 两項則上面是事下面是人之作事而仍舊无得喪 而又當敬勉不可幾成而敗意出只是一條事理也 亦非易事〇曾説改邑不改井三句是以井言汽至 以下是以汲井言然不可泥此而判為二意謂上說 易經蒙引

動定四库全書 表日異乎水而上水 并養而不窮也 巽入也 謂有是義也井義在墨乎水而上水上亦不可以井 此句言并之為井如此養而不窮謂養物不窮也非 义義却全戾了何以能通 不窮含下句改邑不改并三句言不窮與不改異 改是仍舊意此 2則初未有此意也但既是 なとし

たこの日本 贏其流是以古也 改邑不改井乃以剛中也 此句义義明矣 并本所以養物故本義云皆取井養之 君子勞民勸相何故從井上說正為井養而不窮也 可久之道也大傳曰井德之地也此之謂也 自然養而不窮卦之名并特取諸養物之象且大象 五剛中有常德也非剛則不能堅久非中則又 易經蒙引 /義以彼照此 訓

一到员 木上有水井君子以勞民勸相 者制 是汽至亦未綺井意未有功未成功也贏其瓶則終 得輕看過一或日未有功即是去也日非也未有功 本義云未有功而敗其新所以由也一則曰是以 |功而所丧多矣不但未有功也故古 四月五十 水上行木上有水其津潤上行所以泉井也勞民 日所以皆謂其不敬勉以至幾成而敗之故也不 田里教樹為使老者衣帛食肉黎民不飲 なしし

ノスンフランエア 吳氏関其勞而休息之之説の勞民勸相君子之 是也勸相者使之出入相友守望相助比問族堂 即君子也以别下句言故曰以君養民非君子之外 相養則此是以君養民之事下是使民相養之事君 相親貧窮愚難之相恤是也此取并養之義非取井 又别立君以養民也○勞是安存慰勞之意不必依 田之制也〇以君養民者君對民而言照下句使民 易經蒙引 +

弘定四庫全書 初六井泥不食舊井无禽 汚下而為時所棄也○井泥而不食則成舊井矣或 之食此舊廢之井雖禽鳥亦莫之顧也甚言其人 貼則然說須貫意言其并污泥人不之食非惟人 井以陽剛為泉而初六則除柔也故為井泥為舊 曰改邑不改井井皆舊也曰此舊是謂廢而不用者 〇升泥者不泉故泥井泉不出則淤為溼壤而已 以上出為功而初六則居下故為不食為无禽分

たこうら かか 井泥不食下也舊井无禽時舍也 井言人事意在言外 桑時舍也何獨不可申不食 者派之也〇井以陽剛為泉上出為功泉以得以 本義說得精而完小泉便有此等處下也則不及除 者言功以施于人者言 不食禽亦不之顧尤見其棄於人也。時舍也只就 下井泉不上出而泥也舊井无禽時舍也言非惟 易經察引 説時舍正就人事說不指 一説下也謂以陰居 +

銀匠四月全書 九二井谷射的甕椒 初六只是人品污下而為時所桑置者 井上之水也即是如此非謂禽鳥亦入井取水 鮒 同升諸公下比初六又是軍賤之 似長∪程子曰人不食則水不工無以及禽鳥謂 以相推數者故其功不上行以并言則為并谷射 二剛中本有泉也然上无正應以為之汲引 井言則為甕收漏〇井谷射鮒言井谷之泉 漏 老七 に 之無能維持調 th 而进

とこりも から 则 鮒何也言其下注而不上行也既欲取其下注之泉 漏耶〇程傳說水在獲恐未及考說文之義雲奉說 有貯水者然不思功不上行又安得有水可貯而後 據也姜詩提抱雞出汲。或以為是貯水之雞雞 催下注於鮒無能及人也○雞汲器也今福州人 須以井谷义泉為言射鮒是象其功不上行不 〇九二剛中有泉之東泉在井底也今日井谷射 小瓶為雅正韻光雅通用雞沒器也此見說文明 · 易經炭引 固

釖 為養徐氏曰蛙屬 ()又按正韻斛魚名韻會曰 肆孟子前以三鼎後以 涸轍 色黑韻府曰旅行吹沫 反 小註日程沙隨以為蝸牛程傳日或以為蝦 則 四月全書 觚魚 則其為魚也甚明又玉篇鮒鮣魚也鮮重經 下注而已無上无正應下比初六而取 (証別的 云 六 鮒 明是魚而以為蝸牛為蝦為暴與蛙 曰 よと 如君言不 バ 五般下小註所 相 Ap 日卿 如早索我於 相 附 引有魚用 EJ 一酚莊 角之 或 魪 加

人已日年之事 蜀 或口以剛為魚固有明據但井中安得有魚先儒是 以未死况蝸蝦養蛙字皆從由而鮒字却從魚不 屬者恐非也疑蝸牛等雖是水生然無水 小又不流動况雨露之力微而風日之功虧是 以寧主蝸牛之屬曰今鄉間古井亦往往有魚難道 蝸蝦墓蛙之屬為說而又無所定指者果何如也? 先儒乃不依有所據証之韻書而獨用無所據證 非魚地也然管開長老言井水不生魚盖其地 易經蒙引 十四 一時尚 位

九三井深不食為我心側可用汲王明並受其福 五月 通 皆惻之义詞也非質詞也〇本義所謂施者指王明 捌) 只言上無正應不無下比初 不生其有魚者皆客魚自外入者也 谷射鮒无與也 に見る言 也非謂九三自則也可用汲帶連王明並受其福 以泉言而占在其中為我心惻我指傍人所謂行 非謂九三是施者乃汲井者之施也盖賢 Ł

てこりを ハエン 詞 有其德也德且純也在下之上未即上也猶未離乎 愈于九二不但有泉泉且潔也以其以陽居陽重陽 者不用則已用則上有功于君下有功于民〇井 也不如九五五則陽剛且中正倫道全美也〇本義 王明並受其福非實說也則其不為時用而設為 下也〇在下之上他處或上字重此處則下字重 云九三以陽居陽在下之上而未為時用以陽居陽 也〇本義故其象占如此大抵不分都是象而占 易經索引 五五

求王明 有斟酌 當奧說故本義云九三以陽居陽在下之上而未為 時用故其象占如此全不及王明並受其福之意最 句是占此說非也恐出記者之誤王明並受其福 惜之之詞朱子小註曰可用汲以上三句是象下两 如义占者則有才德而不遇也其可用汲以下只是 非謂三往求王明謂有求賢之王明也不公依

到定

四库全書

炭ャト

ラン・こうこと ここり 後能用之非九三自往求之也其曰求者猶言夫子 道以求人乎〇按泰義曰求王明者言必遇王明然 之求之其諸異乎人之求之欺愚謂子貢言夫子 子非之已改之於本義求王明之說朱子未當非之 謂志切於行而求王明程傳有難盡依處又如行 似在所當從也日賢者不為時用自則尚有嫌况枉 也程傳也作自惻說如何可通〇或曰行惻之說朱 人之求是因子禽有求之之問孟子言伊尹以克 易經米引 十六

多元 聲註聯緊相隨服役也一平聲尚子註刑徒之 言求那王明恐只當作求之之王明言 〇一 鐵鏁相連繁也靡與際同原即繁也牛割日原所以 說岩野之骨靡賈誼賦傳說骨靡按韻府靡 旁人側之之詞〇小註楊氏曰微明哲之高宗則傅 舜之道要湯是因萬章以要湯之說此却如何亮空 明語意蓋云只為不遇王明耳怎生討得個王明 上下並受其福矣非實謂九三求家箇王明也只是 四年全書 一説求 作

大三日百八十 能使上下並受其福盖調井深不食是無有求之 為之則甚言其可惜也求王明非謂賢者有求 官工不容不摩之 耳 也如有求于上便是枉尺直尋矣爲得謂之賢又鳥 日為我心側而泉則曰行側也言無干預的 如有求之之王明則上下皆受福矣 也骨骨徒也故口骨靡盖古者有罪人 食行側也以王明受福也 易煙炭引 + 亦

六四井凳无咎 金月 厚有餘而才不足者只可自守耳與无妄九 而無及物之功在人則是能自修潔不污于濁俗但 取象正不拘取象之意只以明其有自修之行而無 及人之功始以井言則寔是不泉之井砦人 四以森 外者同八陰孫固不泉若非以柔得正則不能修 四月五十日 問 四有泉乎既無泉梵之亦虚器耳何益哉 居柔雖得其正然陰柔不泉則但能修 K بد ŗ. 四可 E

九五井列寒泉食 豈有不泉者而虚死之哉 以例為貴泉以寒為尚九五陽剛而且中正功及

就時位說者為從見上出之意九二九三非不泉者 賢人非君人也象傳中正也無德位〇中正所以 也本義陽剛以才德言中正以時位言不取尊位是 于物故其家為井之潔清而其甘寒之泉為人所食

たこり見します

易經蒙引

不上出故功不及物正為欠中正二字耳細分之

金好也母子書 寒泉之食中正也 并例寒泉就陽剛說食就中正說〇或曰既是八以 是三之陽五自是五之陽五之陽自是中正之陽也 要通如彼說自不通耳 但不要奪了下面中正二字意說亦豈可泥也但理 陽剛為泉則三五一也何以三為深五為冽曰三自 言寒泉食則井冽在其中矣但言中正則陽剛在其 可見中正主時位不然雖寒泉而不為人食矣○但

ラーションに 上六井收勿慕有孚元吉 幕自具有有孚之義矣此有孚則是聖人恐占者無 是徳而戒之云耳故連元吉讀為是八井政勿恭便 泉而其出不窮也非謂井有孚也盖上六之井收勿 連元吉為白言君子有實德而其施不窮猶井之 中矣 夫井以上出為功上六居卦之上井收之象也坎口 不揜上六適居坎口則又井收勿幕之象也有孚带 易經紫引

動员四盾全書 其出有源而不窮也依稀井泉而說人事耳 而取義也意以此卦是井但云井收固自有泉在 日此不拘既云井次便是有泉可汲盖就上出為功 勿暴取之無敵其出無窮也曰上六陰柔不泉如何 是井之有孚處其實正文有孚謂人也○本義云謂 ○次轆轤次編者也此與上文次汲取也不同 府轆轤井上汲水員轉木通作度盧轆轤二字亦不 分按弱府輕車軌道也亦有員轉之 巻七上

1 / J. ... / ... 謂其出有源而不窮也見得此有爭與他處不同〇 有孚也人能如是其有孚則元吉矣〇本義云有孚 愚謂轆轤與桔槹不同〇上出為功以全體言次口 有孚正義非說井或曰習坎水流而不盈行險而不 失其信是以卦象釋有孚之義按此以并言不亦可 不揜以上體言合义有井收勿慕之義此便是井之 皆從車今以井上汲水員木謂之轆轤者借名也 乎曰非也以習坎之有孚為水則所謂維心亨行有 易經歲引 7

銀匠四庫全書 元吉在上大成也 故如此云 信釋有孚之義一般人之有孚象上六之井收勿草 窮也如此解註正猶習坎以水流不盈行險不失其 尚亦水乎所謂內實而行有常亦水乎故愚于此亦 六爻皆以人才言陽剛為泉井之體也上出為功井 其出也有源而於人也無不濟井道之大成也公 日依稀井泉而説人事耳〇有孚謂其出有源而不 おとよ

学 乞己可良 シナラ 物惟上六為井道之大成 按表傳曰草水火相息二女同居其志不相得曰岂 三九龍 也孔孟且然〇井六爻皆取井養之義盖井所以養 之用也上六言并收勿幕不復拘於陰柔之不泉者 天下無無體之用也無不本于道德之功業也九 的新九三之不食則以有是德而不得施者固多 上下 1 易經業引 7

動房 大略 其志不同行亦只是相違行而不同聚 然 相違行而已岩水火相息則 傳於大泉乃亦曰 其語録云澤中有火 而言也若大泉澤中有 四月月月十日 則水乾水决則火減 亦與睽 偷序有乖成 相 かし 但联曰火動而上澤 仇隊矣故為革革深于緊 X 水能減火 Ł 此正所謂水火 相息為草則似為欠精矣 火 T 則只是水决火減之象 相減也縣日二女同 下語自是精當 動而 耳半 相息者平 也 則 'n 居

能隨故滅水之性能隨而不能迎故熟是故有溫泉 **兑下言〇隆山李氏曰兑之陰畫下有二陽畫限之** 用待火然後為用是故凡有體之物皆可焚之矣曰 火之體也火新之用也火無體待新然後為體新無 寒火此説似牽强心按邵康節漁樵問答漁者曰新 水有體乎曰然曰火能焚水乎曰火之性能迎而 而離火從下熯之此火能草澤水也故有溫泉而無 水火相息者以二卦合體言曰澤中 有火者以離

大八丁見とき

易經蒙引

辛二

金月四月白十日 **岩火則不隨陰就濕矣故有溫泉而無冷火義亦** 陰陰不能勝陽陽能兼得陰陰不得煎陽故陰雖寒 勢孤了終亦自熄至如冷灰中著 寒而熄矣但此是 不能寒陽火也〇又按部子曰水之性能隨而不能 而無寒火也〇有溫泉而無寒火愚謂只是陽能勝 有温泉而無冷火固然矣然水甕中著 故熟盖亦以其隨陽而動也便是陽得無隨 人為者非如溫泉之出於造化 K į J. 塊孤火亦自會 一塊火火 相

とこうう から 已日乃孚 義云一有不正則所革不信不通而反有悔矣 得其正者言若所草不正雖已日亦不能享矣故本 可已者且須已之以其徒起聚駭也二以見草之 樂成難與應始也聖人家草首及此者一以見草之 巴日乃孚據理勢言夫民可與習常難與通變 有也畢竟是天地間有溫泉而無冷火 可已者終不容已雖駭衆不恤也一已日乃孚以艺 易經蒙引 手三

多庆四库全書 元亨利 負悔亡 不驟文明之德見于當草之前和悦之氣形于方草 義理而其草也不省外和悦則能順時勢而其草也 内有文明之德而外有和悦之氣盖內文明則能灼 之際據卦德言其所革元亨且利員也〇改革之道 日乃巳草义日也曰巳日乃孚見草之未易孚也 内文明而外和悦只此二者盡之矣凡改草而未免 於梅者只坐不得此二者王安石是也〇本義首曰 巻七上

ラハニコラいから 草不信不通而反有悔者摘卦辭示人之精意所在 草之悔亡者順卦解而云也繼之曰一有不正則所 為愈也〇不信不通不信似便是不通今無舉而言 其占為有所更革皆大亨而得其正所草皆當而所 則不信是人不我信也不通是於已為不通也〇巳 正况於變草乎愚故嘗曰六十四卦三百八十四爻 而云也大抵萬事不出一正便自好守常猶不可離 言以嚴之曰正而已○反有悔謂反不如不草之 易經蒙引

多定匹库全書 弊於久安之後而欲隨革而隨身也亦難矣故日已 程子曰息訓為生者盖息則生矣一事息則一事生 中無間斷碩果不食則便為復也寒往則暑來暑往 日乃孚此只據理而言夫民可與樂成難與慮始草 不恤也但貴于草而當耳故又曰元亨利負悔亡○ 則前者滅後者生今年歲運盡了明年又一運繼 則寒來C滅息而後生息愚謂亦有兩樣就一物言 乃享然其事固在所當草則雖 一時民志未享有

| 次足口草全書 年又再發生是也以两物言則寒往而暑來日往而 有 生分而言則噓吸兩相生也今以草言草舊而新 火克惟有火生而旺也水决而火滅是火已滅則惟 月來且如火然而水乾乾是滅了則惟有火在水 **承自生病邪既去而正氣自充皆是鼻息亦前後相**
中
回 水在火被水克惟有水生而旺也根券既去而嘉 生也〇雲拳曰減息之中有生息者存猶 周而明日又 1 易經蒙引 周草木今年生底已殘了明 芜

金げ 已日乃孚草而信之 字為己草亦不可以為己日也盖以為己日則草 草而信之謂其草至是而後人信之也不可以草之 如何當得已日字看以為己草則雖未至已日亦成 巴草了又如何當得已日字故不如順其文勢之自 信之也故舉此句而釋之曰已日乃孚云者謂: 然而取其意口盖夫子之意恐人不知乃孚之為人 嘘而謂之一息亦有止而復生之義也

死足四尾合語 湯武革命順乎天而應乎 天地学而四時成 功 四時成不可作效只謂天地氣序相革而四時以成 舉卦辭則連有孚室惕俱舉 吉剛來而得中也之例剛來得中本只釋箇中字然 而人信之須已日也所重在孕字上如有孕室惕 也大意猶日月相推而明生寒暑相推而歲成非 一效也 196 易經蒙引 幸五

澤中有火草 金马 子以治歷明時只從草之一端說故本義云四時之 澤中有火草只是水决則火減意草字所該固廣君 革命之草是王者易姓受命之命也 草命與順天應人不是一時事〇天地草而四時成 矣中溪張曰時未當草聖人不得先時時而當草 湯武革命順乎天而應乎人其義一也同 不敢後時八天道變改世道遷移草之大者也 世月石書 おいよ 一時而已

SESSO SELECTION OF THE PROPERTY OF THE PARTY OF THE PARTY

澤中有火亦未盡將四時之變亦未盡得故謂四時 草字之義而于草字看得寬廣方是也盖草字之義 克火亦未盡是須從澤中有火之泉而推言以入于 愚謂人若因此說就認澤中有火為陰威陽哀水威 克火此是澤中有火之象便有那四時改革的意思 朱子語録謂此只是陰威陽良火成則克水水成則 變草之大者謂之草之大者則其餘小者固多也 之變革之大者耳〇澤中有火只是水决火減之象

らくここり うこ へいよう

易經雲引

芝

所謂 中有火則二物並在有相息之象否朱子曰亦是 了火不見得水决則火減火炎則水涸之義惟 若無取相息之義則火雖威終不能減乎澤水語録 此盖此問儘有一 不口澤在火上而口澤中有火盖水在火上則 相息若澤火則不成相息矣○按語録或問草 如此者盖澤中有火火終不足以敵澤水 只以水勝火表傳所以不口澤火相息而日 一段理朱子答之不曰是如此 水 口澤

SOUTH STATE OF THE STATE OF THE

動方

匹母全意

卷七 r

君子以治歷明時 若泉傳果取兩物相息之意則其辭當如天與以 齊者也〇一日百刻計一萬三千五百息每 行上火下澤之例而不曰澤中有火矣 中有火水能減火又曰此是說陰威陽東其義明矣 五日為候三候為氣六氣為時四時為歲三歲 也火縱然如何便能氧了澤水故朱子上語錄云澤 五歲再閏十九歲七閏為一章所謂十九歲而氣朔 刻得 閨

足已日東公馬

易經業引

兲

あらせた人 候而、 為一 是積分〇觀物張氏曰四時八節各以三變以十 自此而積之也○一年十二月二十四氣一月二氣 也 則立春雨水五日為候一年七十二候也歷法大要 以五日為一 如十一月則大雪冬至十二月則小寒大寒正月 百三十五息推而至一元十二萬九千六百年亦 | 旬三旬為一月九旬而 八節周〇二十四氣有節氣有中氣孔氏云 一候三候而一氣九候而一節七十 時三十六旬而四時 0

半七

次足四車全書 為雪東風解之則為水〇騰數者劉玉騰而走出〇 雨水者雪散而為雨水自上而下曰雨北風凍之則 九月 五月 正月 十月 七月 三月 寒露節 **半種節** 清明節 立秋節 大雪節 立春節 冬至中 霜降中 處暑中 殼雨中 夏至中 雨水中 易經蒙引 七月 十月 四月 六月 月 月 白露節 踏盤節 小寒節 立夏節 小暑節 立冬節 竞 小滿中 春分中 大寒中 秋分中 大暑中 小雪中

金り 凝色白〇寒露露氣寒將欲凝結〇小雪大雪十 滿物長於此小得盈滿心芒種有芒之殼可稼 半分之為四十八氣氣有七日半有餘周禮有四十 小暑大暑就極熱之中分為大小月初為小月半 寒為大也〇二十四氣氣有十五日有餘每氣中 明物生清淨明潔也○殼雨者雨以生百穀 ○處暑暑將退伏而潛處也○白露陰氣漸重露 月轉大〇小寒大寒十二月初寒為小 ¥ Ł 種 户 月

 於足四車全書 右 朔晦弦望及二十四氣總歸在四時內故本義只云 書經弄典日 四時之變 日有餘故年有七十二候也○治歷明時時四時也 箭是 四段時文多用以為治歷明時之正講據書傳 宵中星虚以殷仲秋 日中星鳥以殷仲春 一氣易一 一箭也凡二十四氣三分之氣間 易經紫引 日短星昴以正仲 日永星火以正仲夏 冬

道理有相通處故録之書傳録如左〇書傳日中星 朱鳥七宿唐一行推以鶉衣為春分昏之中星也殷 鳥下云曰日中之刻者春分之刻于夏永冬短為適 絕其祖矣至今世凡僧皆不姓〇日永星火下云永 孫出家隱萬山最精歷法不曰張一 中也春分陽之中也〇唐一 中也畫夜皆五十刻舉畫以見夜故曰日星鳥南方 乃是治歴以後頒布考驗之事用以為講誤也然其 一行唐僧名乃張公謹之 行者僧也已自

養七

次足四車全書 職 適中也晝夜亦各五十刻舉夜以見日故曰宵星虛 秋分陰之中也〇日短星昴註云日短者畫四十刻 北方元武七宿之虚星秋分昏之中星也亦曰殷者 日正者冬至陰之極子為正陰之位也○新安陳氏 也星昴西方白虎七宿之昴星冬至昏之中星也亦 火夏至昏之中星也正者夏至陽之極午為正陽位 長也日永畫六十刻也星火東方蒼龍七宿火謂大 也〇宵中星虚註云宵中者秋分夜之刻于夏冬為 易經紫引

仲言使待春分之寓賔出日而識其景然後作春歷 命申命又恐其或戾於法而審訂之以謹後來之歷 歷既成而分職頒布且恐其推步或差而審訂考驗 然豈待分至而後觀日景乎〇歷一字書經作歷**易** 此敬重之至也古者常以季冬頒來歲之朔雖今亦 之方為可通盖方命之初既按歷之成法以作歷分 不亦晚乎其不通可知矣惟朱子訂傳以此四節為 日諸家解皆以分命申命四子為作四時歷姑以養 火之四車全書 頭 之宿也是為星鳥以象言自并至C四方雖有定星 宿四七二十八者也〇尚書三解曰二十八宿環列 谷南交朔易則就平地而言東西南北也〇每星七 他皆類此〇自斗至壁北方之宿也是為星虚星以見其餘〇自斗至壁北方之宿也是為星虚 自奎至参西方之宿也是為星昴〇旬井至軫南方 四方隨天而西轉自角至箕東方之宿是為星火舉 西方白虎是就周天而言東西南北也其口東嶋西 **象作歴蓋古通用〇南方朱鳥東方蒼龍北方元武** 易經蒙引

北至仲夏則烏轉而西火轉而南以正仲夏 鳥反轉而南矣循環無窮大要如是堯典考中 而東昴轉而北至仲秋則火轉而西虚轉而南 星無定居各以其時見于南方天形 火在東星鳥在南以殷仲春而星昴在西星虚 L 而南以正仲冬則烏轉而東火轉而北至仲 秋 則昴轉而東鳥轉而北至仲冬則虚轉而 阪は 仲春之月四方之星各居其位故 卷七 I 居北 而傾 八則虚 故 西 常北 在

初九聲用武牛之草 按程傳曰變革事之大者也必有其時有其位有其 正四時甚簡而明也

才審慮而慎動然後可以无悔愚按此卦六爻皆當 初无應居初則分猶畢也而不當事任無應則上無 此法絕之〇初九當草之時若可有草也然而居

次足四車全書 職 道自固而不妄動其象為鞏用黄牛之草也其占為

援也而不得自伸是以未可較有所草惟以中順之

三十

易經家引

當堅確固守而不可以有為矣按此爻辞只當以為 泉然亦占之泉也如羝羊觸糖煎其角水義曰貞隔 進者專於位乎專於時乎抑煎時位在其中乎且若 矣愚謂此言時正關著位也所謂新進者也凡謂新 义吉其象如此豈其意亦同而愚未深察乎○或曰 占看而本義乃以為東亦未可曉雖謂黃牛之草是 居初依程傳以時言謂事初也依子則以位言反之 以為事初未可以草然則必待事勢蠱壞之極然後 苯 r

Y

フト・ショラ 宣聖人教之處草之道而不然乎要之本義居草之 謂已日乃草之非耶曰已日乃草亦非謂俟已壞之 初乃謂吾出身任事之初非如所謂盡之初也愚故 将壞則可自新以為後事之端而不使至於大壞也 以為新進之意。或日既不謂是壞極乃草然則所 之不早辨也此盤所以先甲三日也謂前事過中 Ð 乃許之草耶易大抵教人謹微其所由者漸矣由辨 方草也只是今審處得傳當果然是當草然後 11:5 易經蒙引 手四

動玩四月全書 恒 俟其已壞然後下手也事果將壞當改無疑則正為 論魯人為長府之意耳非謂事之必然將壞者亦必 不 而為 漸初六所謂 日矣此最宜辨前軍謂註本草誤猶未至害如 經誤胎害之甚者謂此類也耶〇此所謂居初 初六云居下而在 可輕驟也如或在所得已則猶且已之 看矣愚故謂此無時位言位意更重也 始進於下者故曰居初不 初則初自是時下自是位不 Ŀ 如関子審 日在 初 如 註 可

孔子不能草春秋之弊而皆為委史皆為乘田自不 至於出位而曠職孟子不能草戰國之獎然我無官 乎日所當草者聚人之通惠所固守者一己之常分 事已當草者矣而猶今固守之所守者非弊壞之物 所謂時又自是一已之時與上云草之時又不同多 如勿草之為愈故聖人慎之或日既曰當草之時則 分凡事且仍舊貫之意誠以革而不當則有悔又不 ○黄中色牛順物○旬草言中順之道以是安常守

とこの見をい

易經業引

金万四屋石雪 愛用尚牛不可以有為也 義不同矣何公又云亦取卦名其意若曰此草乃黄 守我無言責自不妨於進退之有餘裕雖不草也何 害其為中順乎〇中順亦甚分不得〇草所以固物 牛之草主於守而不主於變者也 之義卦名草也初九鞏用黄牛之草不草也○既是 亦取卦名而義不同也心雖取卦名而全不用卦 在草言不可有為便是不可草也

六二巴日乃草之征吉无谷 草之則其草也得吉而无谷矣此皆戒占者之解 於上勢足以有草也然草非得已者故必已日然後 也謂之文明之主見其正是文明者也录傳所謂文 正與文明何别曰柔順中正其德之體也文明其用 柔順中正而為文明之主既皆以德言然則柔順中 六二桑順中正而為文明义主徳可以有草也有應 明者正此六二也隨初九以陽居下為震之主蓋震

次足四車全書

易經蒙引

Ě

金りロノノ 草义草不逐草也盖草言三就义日也其立言之意 畫之陰文明之主不可主位任說〇中正含位言井 之所以謂震者以初畫之陽離之所以為離者以中 說見初爻〇六二柔順中正而為文明之主有應於 主位而含德草六二之中正主徳而含位〇巳日乃 偏敵文明則盡事理應上則得權勢時可矣位得矣 五剛陽中正亦無德位此當詳〇并九五之中正 程傳之說最是程傳口體順則無違停中正則無 巻七 次足四車全書 题 已日草之行有嘉也 九三征古貞属草言三就有孚 草之道貴於審而病於躁九三週剛不中居離之 行有嘉征吉无咎也 位而又有其才與德宜草之易矣 應上足以任事也其體順足以得衆也當其時得 有四馬其文明足以燭理也其中正足以有行也其 足矣處草之至善者也云云恭義曰二之可草者 易經蒙引 ニナナ

矣所欠者不審耳若草言至於三就則已審矣斯亦 雖事在所當草為正也亦不免於厲然其時則當草 剛 信於人也有孚二字正與上文古厲之意相應○過 有孚而可草也〇征去頁厲正以其躁動而無以 躁動於草而不審者也故其占為直往而草之 程傳云居離之上而不得中此義與本義不同盖 以體言不中無用言居離之極暴者也に居離 以德言則明也明者發越昭宣而不容自敬何病 老七ト 當守之以貞属而不草也如噬盛六五貞属无咎之 言不可草下却又反言當草恐未安故不如以員属 必不為躁動○貞厲二字一説不為雖正亦厲是 為雖正亦厲同是戒意也〇征古貞厲躁於草則 例愚謂如此則與下文草言三就不相於矣何也 之矣故居離之極為躁也離字要認得設居艮之極 可也草言三就有爭審於草則可也九三本躁於草 有以東言則火也火性猛烈而水性緩子產當言 馬經察引 謂

弘定四庫全書 草亦未成草也盖以是議草之言也凡有所更草必 言孚八三就春義云至於三而始就非也謂三次成 就也〇草言之言言語也與利執言德言盛之言不 者爻辭云云盡是戒辭○公曰有孚者誠以改革之 便有悔觀卦辭曰巳日乃孚則可見矣故草六爻多 事出於人情久安之餘最要得人之信不得人信即 以為草而三就則此時尚未草也下云有孚方是可 同岩以為語解則所謂三就者畢竟是何事三就岩

. 九四悔七有孚改命吉 言是對人言乃稽審與論而不自用也故信從而有 說成一番又更如此商量一番至于三番然後說成 了却不是三人來說也大抵在巴亦說得革言一 先謀諸心次詢於人區畫詳盡務使當乎事體合乎 一番結裹成就如第一番商量這箇是當草不當艺 情然後其事當而人安之故朱子曰草言三就言 易經影引 主九

弘定四库全書 草之時也〇剛柔不偏者剛而不桑則失之迫遽桑 草之時又下離上兑水火之除水火有相息之勢亦 亦未可草也故必有孚然後草乃可獲吉云〇以陽 正合如此也然在我雖可以革而在人或不之信則 而不剛則失之怠跑令以九居四剛柔不偏草之 居陰草之資未善也而剛柔不偏草之用則善也○ 九四以陽居陰所居不當未免於悔然卦已過中乃 明占者有其德而當其時又必有信乃悔亡而得吉 巻七上 用

次足四車全書 為自有爭非人學之也故本義全不明言人信之曰 既相碍乎或又曰德其素具信其一時之事盖信者 必有信乃得吉悔亡但不垂於事體不拂於人情而 必行之謂也愚亦未敢以為然盖在九四為戒以必 在所當辨先德而後時亦輕重之酌也〇或以有孚 不然也果是自有信則信是德也與上文有其德不 已得吉則一消去日之弊而永収來日之功矣此亦 也此註當分貼依上文有其德而當其時乃悔亡又 易經蒙引

改命之吉信志也 盖草命是九五爻事 百里之命自邑告命之命同謂政事也不必言革命 取支義則戒占者悔亡則自文義取來心此命字 乎故須定作人信之也〇但心一於誠而令出惟 謂上下皆信其志也〇信志無上下此是程傳及中 行猶之可若九三之躁於草聖人又何用戒以必行 自信之矣○有孚改命吉改命带吉字讀有孚不

次足四軍全書 圖 虎大人之象虎者百獸之雄俗號山君大人之象也 **象傳亦安可以例泥也** 吉信志也同例看皆自信也愚謂不必拘同春秋美 惡不嫌同辭况字同而義異乎易之有乎亦有數端 无咎亦然如節六三无咎與諸爻異爻辭且有然者 下者〇或日改命之吉信志也當與兑九二字兑之 溪説可從盖據九四所處之位有在其上者有在其 人虎變未占有孚 易經蒙別 7

變謂希草而毛毯也鳥獸仲夏則希草仲秋 舜是也順天應人之時以處變之大人言湯武是也 布草者毛布而草易也毛毯者毛落更生潤澤鮮好 也〇在大人則自新新民之極以處常之大人言弄 之變是所謂所過者化所存者神上下與天地 自新新民此自新所以新民也必曰極者盖大 一世而甄陶之重新鑄過一番非徒小補之而已 之變也○順天應人 下重新換過 則毛 间

をとし

新新民之功在本義無學要說得盡耳〇本義先云 言也然後云然亦必自其未占之時者解人辟未占 占而得此則有此應然後云然亦必自其未占之時 亦非尋常之舉矣〇凡自新新民未必皆遇不得已 有孚之正意為恐其未足以當之者言也亦猶恒卦 云云者盖占而得此则有此應本義主足以當之者 而有順天應人之舉但順天應人者亦自該得有自 服色改正朔新視聽亦是重新整過雖不言其極固

大三日長 とよう 関

易經紫引

上六君子豹變小人草面 變小人草面皆不過從草者也若以上六為君子則 攸往則是致丁寧而恐其有不正者也 辭言恒事无咎是主得正者言也而又曰利貞利有 所革之内矣故曰革道已成也○君子小人之革 上六草道已成草者非上六草之自有草之者也上 六特取其時位耳猶小畜上六畜極而成也君子豹 小人為誰乎○當此之時舉天下君子小人皆在其

欠己の巨人馬 變指王者言君子豹變泛指天下之君子言大人 變則天下為之一新孟子所謂過化存神天地同流 言不可復有草大意與解之來復吉相類〇大人 通矣○做一人言則是治定功成之日也○居貞吉 外暢於四支發於事業者也象傳一則日文炳 六全無干預則下云上六之才亦不可以有行者不 也君子豹變以就一身言如所謂和順積中英華 |六所致然實上六所受〇如周之成康然若謂 易經蒙引 Ī

あり世屋ろ言 舜在位下有巢由此無位而有德者其文固自蔚 程傳正主徳言(君子豹變自有其文小人草面猶 也當堯之時四古未當有過亦在位之草面者也幸 也〇君子小人以德言或以位言或魚德位言皆非 日文蔚五上之别也一文炳之文昭於天下禮樂 未成文也〇君子豹變有耻且格也小人草面民免 無耻之類耳但論語民免而無此以在上人 人類是也文蔚之文止於一身言動威儀之類

灰足四車全書 格象之烝义皆草面而已聖人固未如之何也盖中 心也以其下愚而終不可移也如有虞之世苗之 之草面言面順於王化也小人者聖人非不欲草 而彪外也小人之草則可變其外而難草其心故謂 其中未免於異故君子之草則如豹之變以其弸中 之終此草道之成也然君子小人之草其外雖同而 也〇恭義曰天下變草之時人無不變矣上六居草 刑政御之者耳盖此言草面則又德禮之所不化者 易經緣引

貞吉言草道之成不當復有為若復有為則徒事 易經蒙引巻七上 擾乃王莽之為也聖人之變草豈如是哉 吾草之义道未至也非其人之終不可草也征玄居 (之性非下愚未嘗不可草也而或止於草面馬則 ととよ